

蛻巖先生文集

四

番外書册


二六二四五	和書門類
六九	函號
一三	册架
一六	册

二六二四五	和書
一六	册架
一六	函架

(四方)

内閣文庫	
番號	和 26245
册數	16 (4)
函號	206 11

詩集文集



五言絕句

蛻巖集卷之四

赤石儒學東都 梁田邦美景鸞著

男 邦鼎燮夫輯



雜咏六首壽浪華川井氏六十

華府一千橋橋春水綠徃來經幾春撫盡蔥臺色

倚杖望芳嶼仙瞳碧玉寒花枝明可數不是霧中看

玉笛樓中老梅花江上新枝枝紅蠟帶清艷媚千春

春港生蘆荻魚兒逐旋渦桃源何處是一路夕陽多



蛻巖集 卷之四 一

萬家春樹色佳氣惹人煙中有煉丹士白雲通洞天
舞罷五雲收樽前人未散春風白鶴飛住吉青松岸
咏籠鶯

一日別煙霞絲籠今作家好音如在野不戀舊林花

夏日作

風簾搖返照柯影舞如人石鼎茶前水衣桁浴後巾

桃花水壽東武山人某二首

天下桃花水武陵爲第一君自仙籍人春風坐洞室
三日值初度流觴吸紅霞人言數百歲顏色如桃花

答鳴鳳卿二首

錦字自東來五色爛璨開海西老蜃伏不敢作樓臺
仙樓黃鶴在白雲終不離想君吹玉笛似我倚闌時

醒心亭八咏

亭在東都駿臺西

一橋暮雨

門譙臨暮色小雨浥輕塵金鞍黃油傘莫是上直人

飯田晴嵐

朝望飯顙山嵐光橫紫翠總入詩人腸錦繡滿天地

秩父夕照

彭羈身 卷之四
三十三觀音一一具慈眼西山慧日輝遍炤碑磔串
目白春樹

東風吹遠樹蒨蔥入虛櫺縱令嗣宗見雙眸鎮日青

紅葉山月

烏啼月落山鳥棲山吐月何地無秋光惟欠此雲窟

本願寺鐘

華鐘本不擲宛在肉林中猪頭與鴉子何處著腥風

品川帆影

落日青林杪千颿遠影明鸛鶴摩檣去煙波無限情

士峰雪彩

玉人玉芙蓉對照可怡悅能使玲瓏窻長含千秋雪

藤柳湖池亭觀田何龍書大字

來時池水青去時池水黑池中千頭魚已吞三斗墨

梅荅四管放譚友夏

月露滿中庭花氣乃清冷待君如待師裴徊不履影

攀枝顛花人定非知香鼻風前立餉時自然在袖裏

有枝臨石上其韻宜山房莫使佳人折恐留粉黛香

羅浮冰雪神仙態不可親花狐有艷致勾引冶心人

艷曲二首

今日春遊多，馬上幾公子。銀鞍鐵連錢，正與儂歡似。
昨夜君何處，莫是在平康。君情不可隱，君衣有別香。

古意

君上望鄉臺，妾上望夫山。相望不相見，天寒一鳥還。

逢俠者

相逢邯鄲道，西風短褐衣。赤馬殷如火，黃昏射虎歸。

昭君怨

臨別聞天語，青雲入夢殘。秋風氈帳下，不似漢宮寒。

姊妹詞三首
姊妹言，繡鴛鴦。姊妹言，蛺蝶是蛺蝶。不離花，鴛鴦有花否。

大姊妹伴，中姊妹吹簫立樓臺。小妹仰面笑，鳳凰終不來。

阿姊鏡如煙，阿妹鏡如水。阿妹問阿姊，鏡鏡不相似。

小姑

小姑僅十三，慧情滿嬌面。梨花渡院，牕低誦鶯鶯傳。

天上千日紅，八面... 紅團千日，色何處得寧馨。一醉中山，酒秋風吹不醒。

紅團千日，色何處得寧馨。一醉中山，酒秋風吹不醒。

花蘭

院後集

誰道物非真花清自出塵遺香蘭意在可以稱幽人

八月菊

天上桂花發人間菊藥香東離明月夕已是小重陽

七言絕句

本鎮觀射作

漢家宗室自英雄清世敢忘歌大風部下士臣如虎

豹秋城射圃試雕弓

咏松壽管大夫七次

赤松山上古神仙降坐青松雨露邊日日歌鐘雙鶴

舞長留春色作新年

十五夕二首

十里海南青霧封層樓未湧雨雲重赤松山上攀明

月莫是仙人天柱峰

把杯幾度苦思君夜半海天雲欲分彷彿惟中時

見西風環佩不堪聞

寄室鳩巢四首

駿臺古木白雲間崑嶝青苔不易攀載酒何人門外

立肯分秋色度東關

德星曾聚海東陬
 白馬金鞍紫綺裘
 天爵堂前明月夜
 清樽得似舊時秋
井筑州有堂號天爵
 東家玉樹已飄零
 無復虎賁當典刑
 五載撫孤猶骨肉
 知聞詩禮侍門庭
東家謂宅觀瀾
 播州故郡夜郎西
 薄官蕭然遷客齊
 浦上青楓風雨夕
 思人萬里夢魂迷

有懷江脩敬田何龍二子

去歲梅開此對君
 今年楓落與君分
 不知邸第樓臺色
 得似海南城上雲

戲和友人觀場

紫綸巾上紫霞飄
 咫尺勾欄猶覺遙
 看盡梨園名弟子
 歸來到處向人驕

賦得江春入舊年

可憐江上歲華移
 日日逝波無止時
 昨夜梅花釣磯畔
 春風已有白鷗知

早春和田何龍自江東見寄

客子未歸鴻已歸
 舊衣著盡著新衣
 春江樓上吹長笛
 一曲梅花萬里飛
何龍善吹笛

和任文器

故園三歲負梅花幾見歸鴻度海霞記得挂冠神武

日春風醉卧阿咸家

文器宅距神田門可百步

泉氏約邀諸客賞花不果有此寄

東西咫尺各天涯竹裡雲淡不見家近日春江風雨
惡莫教樽酒負鶯花

冬送人歸山二首

挂冠神武決然分白鶴清猿想已聞行矣山中冰雪
路莫將春色惹青雲

君家本在白雲阿黃金不多白雲多柴火竹爐風雪
夜醉來寧忘採薇歌

賦得春入倡家

霜下章臺鞍馬寒路傍楊柳易凋殘何來堂上千金
子忝谷春回人盡看

寄題筑大夫吉田氏觀海亭八景

荒津夜雨

津山風雨繞高樓鯨吼龍吟海色愁夜半青燈人不
寐蓮花洋上泊孤舟

博多歸帆
霸臺浦上萬人家
筑婦當牕春織花
日暮千帆歸不
盡望郎仍唱浪淘沙

龜山暮雪

江村十里雪漫漫
仙竈峰高暮色寒
不識人間煙火
外可能冰窟煉金丹

弱杉秋月

赤石清光掌上知
紫陽明月更堪思
何當登閣望秋
嶺併話播陽明月時

橫嶽勉鐘

審利臨江高倚天
晚風鐘動破春煙
青苔巖下行人
絕惟見飛花落客船

箱崎晴嵐

宮前燈火曉依微
祝史升塔露濕衣
日出三竿空翠
散青松高處一鳩飛

名島夕照

松嶼雲開紫海東
西山返照射潮紅
春潭千尺魚龍
伏不是燃犀臨水中

知不奈多落雁水中

盧葉蓼花秋帶霜幾群安集水中央大夫堂上彈琴
日坐客為歌鴻雁章

登鐵枋峰二首

鐵騎三千雲歷山翠華一去慘龍顏
朦朧赤幟春風色留在夕陽松嶼間

古壘烏啼不見人嶺雲澗水共傷春
誰知夜半風前笛吹落梅花作戰塵

丙午秋九月特命賜服退而恭賦

鄭館雨餘秋草肥夏逢恩命賜緇衣
携來蘭芷滿雙袖白日衙前拜舞歸

和岡思齋

一自離家坐講幃海風吹落薜蘿衣
樓頭明月弄長笛不是關山怨未歸

和崑玄達

武夷山下草荑肥白玉作冠雲作衣
九轉丹成知幾歲莫教鷄犬半空歸

和崑耕道

赤浦風煙近帝京淡峰鐵嶺擁高城自憐夜夜江樓
笛吹盡梅花不作聲

金龍山煙雨圖

舟入菰蒲雨作香臙脂坡上晝無光樓樓閣閣煙如
海何處佳人最斷腸

西王母

龜臺金母紫霞裙朝下崑崙躡白雲仙果携來臨漢
殿清風環佩半天聞

春夜聞吹笛二首

春風夜度鳳凰城何處高樓玉笛聲楊柳梅花聽不
得月中總是別離情

柯亭玉管夜龍吟人在樓臺春霧淡想像神仙看不
見徒教花片落衣襟

逢俠客

雨雪薊門萬里孤逢君寧媿作家奴心知廣柳車中
客今日猶餘漢大夫

折楊柳

尋常笛裏想春煙今日傷心離別筵縱是千條攀折

盡東風惹恨，此綿綿。

妓館花

金屏紅燭石榴裙，醉折花枝把似君。若道花枝無定主，陽臺不肯作朝雲。

隔牆花

何人金屋碧牆圍，高樹花開蛺蝶飛。數片無風徐度水，鞦韆不動挂斜暉。

蝶戀花

飛去飛來桃李發，誰憐薄暮舞東風。春霜寧自抱花

死只在芳園，月中虫。

美人睡起二首

前苑鞦韆後苑歌，枕頭花近語聲多。醒來斜倚繡屏坐，眉重如山又奈何。

絲籠鸚鵡寂無言，却恨風箏驚夢魂。欲對殘粧開鏡匣，淡牕花樹易黃昏。

佐玄龍忌日過田氏宅席上賦贈

七載春風歲月移，夢魂千里問臨池。醒來石上梅如雪，不似遊魚吞墨時。

早春戲贈穗默翁二首

從來華髮比君多，新歲相逢又奈何。縱有神僊傳染藥，春風無意對青娥。

清世誰憐矍鑠翁，河山霸跡弔英雄。春城閒卻鼓鼙

耳，林下聽鶯立颯風。

藤柳湖池亭觀燕子花二首

三河四月花如染，芳艸玉孫去不歸。今日君家池水畔，臨風仍憶客中衣。

經雨新開燕子花，天工一一剪仙霞。風流不讓綸巾

色好使佳人，炤粉華。

美人折梅花二首

雕闌夜月石榴裙，起望梅花顫鬢雲。攀折歸來猶顧

眄，東隣玉笛不堪聞。

輕鬢纖眉淡薄妝，肯將雲雨媚君王。春衣近厭熏籠

氣，故折梅花抱暗香。

暮春同諸友飲泉氏園其弟昇上人有喜客至

作三首依韻和答

陽春一曲奈春何，郢里花飛白雪多。歌罷東園人未

散遊絲芳艸好停珂
 落日檻前望淡峰
 一禽不度紫嵐重
 山中應有隱君子
 長嘯東風坐見松
 君家花樹比他高
 共惜年芳揮紫毫
 自是春風同一萼
 樽前何必問緇袍
 瓚東疇淡州田子
 斐見示
 龍光相射海南濱
 望氣樓中煩幾人
 他日雌雄應一合
 不教雲霧老延津

寄桂貞輔二首

雨雪江城憐一寒
 海南恨不此留歡
 百年世態人應笑
 吾復曳裙君挂冠
 二十春前客美濃
 岐山薇老白雲重
 只今海上來相問
 携酒同登鐵拐峰

川光遠書自白河至
 賦此寄謝二首
 紫鴻暮下彩雲間
 錦字行行見爾顏
 一夜月明南浦色
 隨風直度白河關

駿臺落木日蕭蕭
 回首芳洲千里遙
 海曲仙人猶未
 蛻為君聊復弄瑤簫
川為宅觀瀾門人
 從兩伯陽學華音

暨人渡部某自京來邂逅昂氏宅席上賦贈三
晉

五色氤氳度大瀛知君至自鳳凰城玄珠赤水澗千
尺莫使魚龍夜半驚

風日清和首夏天維舟南岸綠楊邊坐來雙袖石華
落欲問謝家帆海篇

燕子花開燕子飛海門西望靄斜暉琴尊佐日青山
路新竹風清待爾歸

邊城怨

白狼河上少人行雪滿天山臨大營候騎忽來傳虜
出甲裳夜渡凍無聲

和桂彩巖見寄四晉

郡城東望渺煙波賈客風帆奈我何萬里書來憐白
髮更教霜色為君多

仙郎消息易蕭條欲倩麻姑通海潮一曲鳳笙何處
是白銀臺畔赤欄橋

芙蓉雪彩滿銀臺鼓桂夏寒風幌開江左諸生豪傑
少門前載酒幾人來

湖鷄五夜隔雲啼，葦閣青燈轉自迷。海上上居君莫笑，由來楊震在關西。

孟夏酬昇上人同土堯言來訪見示六偈

蝸牛倚壁粘垂蘿，四月江天雨氣多。聞說石華零落盡，蘭舟不肯海門過。

忽聞鴉子吠青蘿，未到階除笑語多。麥飯村醪留爾坐，一簾斜日白雲過。

陸沈百載臥煙蘿，每日醒多醉不多。同對綠陰嗟白首，三春桃李鳥飛過。

叢桂綠深風撲蘿，海城暮色似秋多。樓牕十里望南浦，共指歸帆霧裡過。

自喬松帶女蘿，悲歡事事惹人多。情知老衲身無累，楚水吳山隨意過。

征驂一別北山蘿，海上風煙經幾多。寧厭孤城知己少，高人時抱玉琴過。

賦得春入儒家

白首窮經絳帳垂，可憐暮景坐來移。牕前夜雪深三尺，已是春風重席時。

遊中氏園和昇上人梅花韻

此地年年同賞春，相知不是白頭新。
樽前諸伴依然，在笑對梅花舊主人。

花下圍碁戲作

身是爛柯山上仙，春風對罷日如年。
落花千片紋楸面，著著為誰爭後先。

春日當壚

春雲花滿錦官城，紅粉當壚霽靨生。
勾住行人徒眼語，風流無似我長卿。

鹽谷晚歸口號

松含斜景鳥聲幽，下有飛泉如帶流。
海曲暮霞看欲落，行人猶上酒家樓。

送中村生之東武

二月春風醉爾家，高樓吹笛問梅花。
卽今變作關山曲，白雁秋寒天一涯。

席上贈昇上人

爽氣西來度水涯，迎君碧簟浪文斜。
秋風十里不相讓，同是青松樹裏家。

江氏北堂前有雜菊百種爛璨奪目同諸客飲
其旁
風繞高樓玉露飛秋香鎖日入慈幃樽前一曲勸君
舞五色花淡五色衣
謝長壽院慧岳師惠白牡丹
名花白壁價連城矧是遠公臺苑清却愧山池蓮社
外徒教濃艷結芳盃
杜鵑花
海南三月子規啼躑躅花開千朵低血色麗能留客

醉夕陽併照畫欄西
夏聽鶯
水雪春寒爾未來花前一使好懷開祇今綠樹鳴禽
變猶有清歌勸酒杯
泉氏宅賦得竹露
淇水秋煙又若何樽前留客發清歌竹林自古有賢
達不及城中雨露多
伯夷叩馬圖
黃鉞風生鐵馬飛獨憐義士媿戎衣華山佗日春煙

黃鉞風生鐵馬飛獨憐義士媿戎衣華山佗日春煙

院後集 卷之四 七

綠不及首陽崑畔薇

宮梅

當日承恩簪一枝年年花信獨空思羊車門外春風

老鎖斷暗香人不知

月梅

月照寒枝臨水濱可憐艷態媚青春歸來花氣滿未

袖猶是羅山夢裏人

聽鶯

二月青山雨後明坐聽鶯語繞江城梨花院落垂楊

巷何處春風不惜聲

雨後題山人壁

昨夜南山雨漲谿霽來夏木帶幽棲嵐光半在危欄

上一路雲濛鳥亂啼

即事

豆隴承風稠葉亂茄畦經雨翹花開講帷人散南堂

靜坐見秋峰度竹來

丁丑元旦

青松日出煖初回雲度城南海鶴來衙上春風無近

遠小臣同醉紫霞杯

賦得春帆細雨來二首

浦口春船欲上時
布帆無力雨如絲
東風十里煙波黑
楚竹湘山不可知

大堤婦女霧中花
江北江南不見家
十丈紅船何處
客一帆春雨下天涯

臘月小集賦得風入松

青林暮景照人顏
仙客來遊煙霧間
龍遂鳳簫君莫
惜春風已入赤松山

賦得白鶴翔青山

闌苑仙風吹縞衣
瑤臺萬里帶雲歸
無心秋隴啄禾
黍故向青山高處飛

唐金氏垂裕堂十二咏

葛城嶺雲

春雲朝度葛城山
萬仞仙巖不可攀
自古帝畿多雨
澤油然莫是布人間

難波浦霞

春入三津曙色分
絲霞十里炤青雲
浪華城上神仙

吏應有騎鸞朝老君

茅灣遠帆

日射潮頭海色殷魚龍千載護茅灣悲歌仗劍秋雲外唯見風帆去不還

吹飯夕照

青山一角溼雲殘飯浦風生返照寒樹裏人煙吹未散可憐漁子暮催餐

武庫晴嵐

赤贈如火劍如霜藏在山中草木光若道于今無害

氣何緣容易媚朝陽

吉見里月

西風吹老木綿花澗道秋寒啼暮鴉月出前村砧杵動蓬蒿溪處幾人家

興津沙鷗

煙波江上路悠悠鷗鳥不來春復秋一自知君心事後悔教蘆荻領中洲

日根暮雨

日暮空林鳥雀悲楚臺煙雨草離離鳴鑿古道無人

識恐見茆簷蛛網垂

須磨漁火

鐵枋峰頭纖月低故關雲黑水禽啼漁舟一去無消息夜半火來蘆竹西

佐野商客

泉南大賈紫貂裘樓上彈箏樓下謳君自仙才人不
及可能同駕木蘭舟

淡路島雪

島樹依微日欲曛孤城咫尺對寒雲不堪雪賦煩梁

客一半名山分與君

赤石朝霧

天吳噴浪浪如銀採盡石華經幾春君上海樓應一
望朝朝自是霧中人

唐金氏除夕哭小女有詩見示依韻甲慰四首

愁裏陰雲易落暉恐見梅樹弄芳菲生憎花蒂粘紅
蠟一日春風不解飛

小仙何處駕煙鸞弄瓦猶成昨日看一片碧雲翻作
雨可堪丹藥鼎中殘

鳳雛暫駐鳳凰臺。離去雲沈臺欲推。莫道風花總作
夢。芳魂却白夢中回。

百載千秋轉。非逝川無日。不東歸。人間休惜。瑤璃
脆。花鬢風寒。天女衣。

秋日江村

竹浦暮寒。鷓鴣飛。炊煙一帶隔林微。龍王祠上大星
見浣婦獨穿蘆荻歸。

和熊井生秋日侍母山莊二首

慈竹秋深。雲繞亭爐。薰風度案頭。經潘輿鎮日相携。

處白石青蘿。好作屏。

羞我離家坐海亭。白頭枉艸太玄經。故山風樹今搖
落。無復斑衣侍夜屏。

壽中母

龜臺春色帶瑤池。絮帽如雲髮散垂。玉女彈琴開壽
宴。百禽來上萬年枝。

賦得孤村燈

客裏風霜鬢易斑。蹇驢日暮下西山。前村何處可投
宿。一點寒燈淡竹間。

遊報恩寺

松影臨池亂藻文，禪房晝靜鳥聲聞。
不知身是春城客，三尺繩床坐見雲。

中氏園賞梅花期友人不至

何處春樓吹笛哀，芳樽暫此好懷開。
江頭日暮東風起，花落鶉啼君不來。

僧房春雨

老來無意具袈裟，聽雨春牕且啜茶。
龕畔佛燈如夜半，坐看飢鼠噉瓶花。

十五夕

海上秋寒赤石城，崑松十里送潮聲。
風流帝子今何在，惟見煙波蘸月明。

渡口柳

行臨水驛問前程，柳樹梢頭返炤明。
白鷺欲棲猶未下，東風吹送喚舟聲。

同諸友飲井氏宅

東風春早大春家，玉盃青樽共醉花。
君自紛綸經業在，莫將歲月老煙霞。

鏡鏡集 卷之四 三 鏡芳閣梓

遊俠篇

白日殺人如刈麻，前川洗劍漲桃花。歸來射獵南山虎，遣客報知朱亥家。

九日和江脩敬二管

十載龍山秋醉花，老來風帽髮欹斜。相逢無復登高意，歸卧清谿竹裡家。

與君同憶武昌秋，回首鄉關煙霧愁。白雁黃花五十驛，可堪送客賦東遊。

癸丑十五夕同諸友過關氏宅賞月

自登赤岸繫蘭舟，十五清光十五秋。月下銜杯皆舊識，始知為客望并州。

秋海棠

秋園背日邃篁間，朝露紅垂意態閒。彷彿艷粧誰得似，玉環帳下小丫鬟。

題兵庫樽氏曙光酒

雞鳴海驛曙光開，紅靄紫霞春滿臺。君自神仙多異術，一齊釀入甕中來。

題朝海寺櫻花

花名白雲

蛟巖集 卷之四 詩 蕭寺花開已占春

蕭寺花開已占春，
夏無車馬輟芳塵。
枝頭一片白雲色，
欲贈赤城霞裡人。

九日 元祿中在東都作

琪樹連雲秋色飛，
獨憐細菊近荆扉。
登高能賦今誰是，
海內文章落布衣。

古意

休將萱艸種兒家，
不肯忘憂憂更多。
自別郎消息，
斷腰間猶佩去年花。

桃花水

萬樹桃花夾岸飛，
旋渦片片帶苔磯。
垂綸人在紅雲處，
借問鱖魚肥未肥。

冬日寄岐阜隱者 在加納作

煖閣無風擁錦裘，
烹龍炮鳳酒如油。
山中近日寒應甚，
還憶人間煙火不。

寒夜

風繞瓦簷霜意淒，
竹泉凍合咽幽谿。
夜淡月色明如雪，
何處寒烏再四啼。

留守軍營行

營在四谷距新驛僅一里

蛟巖集 卷之四 三十五 龍芳閣梓

蝶巖集 卷之四

花滿東方千騎家，
鈇衣箭室剪紅霞。
娼樓咫尺春風度，
白馬雙嘶日未斜。

贈友人

蘋末西風入碧梧，
摧殘白草與黃蘆。
山中惟有青松樹，
百載千秋眼不枯。

劍客行

吳下刀瘢猶未消，
平生手滑向人驕。
斬頭休問尚方劍，
吾有龍光徹紫霄。

冬日江村

黃雲擁樹夕陽低，
慣見江村路不迷。
白髮漁人來報道，
梅花開在釣磯西。

春詞

懊懷春情巨自持，
蕩郎事事盡堪疑。
鳥聲徒使琴心碎，
不似文君新寡時。

平沙落雁

雨霽青穹雁作羣，
白沙汀上喚相聞。
十行風勢連環下，
偃盡蘆花一面雲。

煙浦歸帆

鏡樓集 卷之四 三

萬斛魚鹽湖夕陽孤帆東去水茫茫煙波千里知無
恙天末青山不礙檣

一幅青松墨未乾
濃山霧露滿堂寒
坐中會有採茶者
指點蟠根子細看

駿骨由來到死香
肯其棧豆老風霜
人間應有英雄主
好使畫圖傳四方

秋遊朝海寺
夕大悲閣上白雲飛

春風三月踏青時
山寺花開香撲衣
今日勉秋搖落夕
大悲閣上白雲飛

謝泉生來訪二管
松林夜色擁門深
濁酒青燈共話心
流水屢彈君莫厭
由來此地少知音

醉來倒帽月中歸
亂艸寒花露溼衣
竹裏清風如有待
詞人休賦鵲南飛

雨中柳
醉出都門暮色低
飛楊拂水畫橋西
春風十里章臺

醉出都門暮色低
飛楊拂水畫橋西
春風十里章臺

醉出都門暮色低
飛楊拂水畫橋西
春風十里章臺

醉出都門暮色低
飛楊拂水畫橋西
春風十里章臺

醉出都門暮色低
飛楊拂水畫橋西
春風十里章臺

路煙雨幾人能不迷

春閨怨

南隣少婦鬢鬢蕩子青樓夜醉花白媿妾顏紅未

老翻教夫婿臥風沙

本郡酒家九屋氏有美醞釀以印南泉水因名

野中清水云

一脉清泉出印南黃壚變作醞中甘春魚棘鬣秋江

月與爾風流併得三

哭昇上人

十載秋燈共話心可堪孤塔托空林無端問訊東溪
竹和雨猶聞仙梵音

壽伊丹百歲翁

不怪桃花惹紫煙丹丘原自有神仙樽前春色行應

好今少彭鏗七百年

輓泉幸一

君歌薤露輓人多今日爲君泣且歌身後風流猶未

盡白雲紅葉滿山阿

上巳同諸友遊松江正護寺

三日春風何處家，松江審地占東涯。遊人休問鱸魚膾，返照厨寒一樹花。

壽江東無得森翁

酒酣雙鶴舞青松，東海仙人欲駕龍。別有樓臺添壽色，千秋白雪玉芙蓉。

和醫學井隱居元日

朝聞鳥雀噪簷間，曳杖春風心自閒。藥圃于今多雨露，薜蘿何必問浚山。

和靈空和尚茅花枕韻

艷雲無處不陽臺，銀燭金屏錦繡堆。肯信山房寒月夕，茅花枕裡有春來。

赤石浦觀韓使舟進兵庫

浦口秋煙望不分，樓船簫鼓遠相聞。南天雲盡千帆去，無路樽前見鄂君。

寄對州松禎卿

憶昔同登黃鶴樓，霜風夜透紫貂裘。十年吹盡梅花曲，唯有白雲明月愁。

九日和淡州藤岡生見寄二首

淡山秋色比他多青鳥銜雲江上過卻恨登高携賦

客帆風浪奈君何

五斗十年慣折腰故山秋徑艸蕭蕭祇今休問東籬

菊落日酒醒魂欲消

寄和州田山人山人嘗事郡山本多侯為大夫侯卒無嗣邑除退居小泉云

昌平橋北郎樓西花滿春門細馬嘶一夜東風吹作

雨小泉村巷艸萋萋

丙辰仲冬先人忌日書懷

每逢霜露易催悲老去感懷倍舊時東望家山千百

里無因冢上掃苔碑

憶曾鶴髮在高堂對鏡吾今鬢作霜饒使絲衣終不

敵可能舞到白雲鄉

端午作

五月五日石榴花赤城赤水散餘霞自憐彩筆今零

落獨艸玄經撫鬢華

答田子斐對月見寄

一水蒹葭兩地秋尊前空憶舊風流瑤笙吹盡月明

夜無客騎鸞過海樓

後集

卷之四

三

蛭巖集 卷之四 謝靈空和尚賜自書西方寶號

席上贈淡州奧伯華

樓前橘柚雨如絲，赤岸潮寒解纜遲。
薄夜青樽留爾坐，休煩津吏報還期。

謝靈空和尚賜自書西方寶號

春風同戴鷲峰天，誤落人間經幾年。
他日窰欄花樹下，新因緣是舊因緣。

和釋仙明元日韻二首

青松日出海煙開，風繞窰幡春滿臺。
竹裏梅花人未識，山鶯已認暗香來。

春鵬千里蹴雲開，窮目誰登百尺臺。
許爾南牕乘煖卧，無人辛苦問西來。

十七夜飲井氏宅

春風曾醉習家池，轉盼秋霜入鬢絲。
此夕相逢休歎老，仍將龍笛月中吹。

蛭巖集卷之四終

蛭巖集 卷之四 流芳閣辛

蛟巖集

卷一

三


江

寬保二年壬戌六月穀旦

赤石

書肆流芳閣

有馬屋庄橘藏版



大坂順慶町心齋橋筋

製本發行所和泉屋源藏

蛟巖先生文集文部嗣出

